

Jeremianê Tanjiboa

Tanjiboa lemen tenj kêsêp buku tonec nalêlôm. Tanjiboa tau nam gebe najo sesen malac Jerusalem su ma sêwê lau jasêngôn kapoacwalô anga Babilon gêdênj jala 586 gêmunj Kilisi gêmênj nom. Binj nawapac gêjam sêga anga buku tonec, mago binj takênj gêwinj Anôtônja to takênj matenj têm, tanj gêc nêmnja nanj, gêc buku nalêlôm amboac tonanjenj. Kêtôm jalagenj Judawaga taênj gêjam najo sesen Jerusalem su gêdênj jala 586 gêmunj Kilisi gêmênj nomnja nabinj ma sêjam dabunj mo to têtanj tanjiboa tonec anja nênj lôm dabunj namunja.

3

Nagêjô ma sêjam tauj ôkwi to sêkênj matenj

- ¹ Aê naj tenj, tanj kêjala gênwapac gêdênj Anôtô kêkênj nagêjô nanj.
- ² Enj kêtinj aê to kêjanda aê kasêp njakesec nalêlôm gaja, nanj nawê tenj kêsa atom.
- ³ Ma gêjac aê kêtiam-kêtiam popocgenj ma taê labu masi.
- ⁴ Enj gêjac aê ôlic lasê ma njoc njatêkwa popocgenj.
- ⁵ Enj kêkênj aê gangônj kapoacwalô gênwapac to katêc taucnja.
- ⁶ Enj kêkênj aê gamoa njakesec kêtôm gêjmatê langwa tenj.
- ⁷ Enj gêsô aê tônj nja kapoacwalô njajanja. Katu naj kapoacwalônja, tanj jaêc su êtôm atom.

- 8 Aê gamôêc ma katan gebe sênam aê sa. Anôtô gedec gebe êkêñ taña ñoc môêc.
- 9 Enj gêbôc ñoc intêna samob auc ña poc sagiñ. Enj gêgôm ñoc lêñ kêtú poalic.
- 10 Enj gêdib aê amboac bôc saleñña ber kêboañ pusup tagenj kêpi aê amboac lewe tenj.
- 11 Enj kêjanda aê anğa intêna ma kêkac aê popoc, go gêwi aê siñ.
- 12 Enj kêkêkam talam ma kêkêñ aê katu ênê sôb ñasokoc.
- 13 Enj kêpê nê sôb kêsô ñoc ñalêlôm ñanôgenj
- 14 e lau samob sêômac kêpi aê ma katu binj susuñña gêdêñ êsêac samob kêtôm bêc samucgenj.
- 15 Enj kêkêc bu ñamakic kêsêp koclabeñ ma kêsâlê aê auc ña gêñ to bu ñamakic.
- 16 Enj gêgôm luclunj kikec-kikec kêpi ganjac ma ganğôñ wao ñalêlôm.
- 17 Ñoc katuc kêjala wama atom. Aê kaliñ ñalêlôm ñajamña siñ.
- 18 Amboac tonañ tec kasôm gebe “Ñoc ñawasi gêjaña su ma kakêñ matoc Apômtauñña amboac tonanjenj.”
- 19 Taêc gêjam ñoc gêñwapac to gamoa jageoña tonañ kêtôm ñamalic sec.
- 20 Aê taêc gêjam binj tonañ ñapanj ma kêkôninj aê katuc tôñ.
- 21 Mago binj kakêñ matocña gêmu gêmêñ gêdêñ aê taêc gêjam binj tagenj tonec gebe

- 22 Apômtaunê moasiñ gêjac pep su atom ma nê taê labu gêbacnê su atom tagen.
- 23 Bêbêcgeñ samob mênkêtu wakuc, aômnêm biñ ñañêñ gêjam sêga.
- 24 Katuc kêsôm lasê gebe “Apômtau kêtu ñoc gêñlênsêm, tec jakêñ matoc eñ.”
- 25 Apômtau eñ ñac gabêjam gêdêñ aêac, tañ akêñ mateñ eñ, gêdêñ lau, tañ tonêñ ñalêlôm sesom eñ samucgeñ nañ.
- 26 Daôñ Apômtau gebe mênênam aêac kêsi ña awenmêgeñ nec gêñ ñajamgoc.
- 27 Ñac ten embe êôc nê gêñwapac ênac m êndêñ eñ ñapalêgeñ oc êmoasiñ eñ ñajam.
- 28 Apômtau embe êkêñ gêñwapac naênsac eñ, nañ ênam tau tôneñ êngôn nê tauña.
- 29 Eñ êmbôc awasuñ auc, ec êmac êndu samucgeñ atom.
- 30 Eñ êtôc alianô êndêñ ñac, tañ kêtap eñ nañ, ma êkêñ tau êndêñ lau sêngôm eñ maja êsa e êôc eñ tôneñ.
- 31 Gebe Apômtau eñ taê walô ñam, tec êtiñ su enden tôneñ atom.
- 32 Eñ embe êkêñ gêñwapac êtap aêac sa oc taê walô aêac êtiam gebe gabêjam gêjam eñ auc
- 33 gebe êkêñ gêñwapac to ñandañ tonañ kêmoasiñ eñ atom.
- 34 Apômtau kêjala embe sêkônin aêac katuñ sêsêp kapoacwalô,
- 35 embe sêngamin biñgêdêñ, tañ eñ kêkêñ gêdêñ aêac nañ,

- 36 embe sênam biŋgêdêŋ ôkwi aŋga gamêŋ mêtôcŋa, eŋ kêjala.
- 37 Apômtaunê ŋalêlôm ŋanô kêsa ŋapaŋ.
- 38 Biŋ ŋajam to biŋ sec oc mênêsa êtôm taugenj êtu ênê jatunja.
- 39 Embe sêkêŋ ŋagêjô êtu aêacnêŋ secŋa, naŋ tali awenj sa êtu asagenja.
- 40 Tasala to tansaê nêŋ lêŋ ma tamu dandêŋ Apômtau tana.
- 41 Daôc lemenj to ŋalêlôm sa êndêŋ Anôtô undambêŋa gebe
- 42 “Aêac agêli to ali tauŋ sa ma aôm Apômtau kôsuc ma biŋ ôkwi atom.
- 43 “Aôm kôkwa taôm auc ŋa têtmac ŋandaŋ ma kôjanda aêac ma gôjac aêac ŋa taêm walô masigenj.
- 44 Aôm kôkwa taôm auc ŋa tao gebe aêacma mec êsô wacêtap aôm sa atom.
- 45 Aôm gôgôm aêac atu nom samucgenj ŋalênduc to gêŋgambu.
- 46 “Aêacma ŋacjo sêpêlê to sêsu aêac susu.
- 47 Ŋalêlôm ŋatutuc ma gêŋwapac kêkôm aêac auc ma aêac amoa atêc tauŋ to alendec ŋanôgenj.
- 48 Ŋoc matocsulu kêsêwa amboac bu kapôêŋ gebe aêŋoc lau samob sêjaŋa.
- 49 “Matocsulu keselenj gê tôŋgenj
- 50 e Apômtau êtu kêniŋ aŋga undambê ma êlic aêac.

- 51 Njoc njalêlôm njawapac njanôgenj gebe gêlic gênj, tanj kêtap aênjoc lauo malacnja sa nanj.
- 52 “Nacjo tanj sedec aê njam masigenj nanj, nênj lip gêjac aê amboac moc.
- 53 Êsêac sêbaliñ aê tomatoc jaligenj kasêp sê ma sêsabi poc gêngôñ sêawa auc.
- 54 Bu gêjam aê auc. Aê taêc gêjam gebe ‘Aê gabac-gac.’
- 55 “O Apômtau, anja sê njalêlôm aê gamôêc gêdênj aôm,
- 56 ma gêdênj tanj aê katenj aôm gebe ‘Ôñô njoc môêc’ nanj, aôm kôkênj tanjam.
- 57 Aôm gôjô aênjoc binj ma kôsôm gebe ‘Ôtêc taôm atom.’
- 58 “O Apômtau, aôm mênjgôjam aê sa to gôjam aê katuc kêsi.
- 59 O Apômtau, aôm gôlic gênj geo, tanj sêgôm gêdênj aê nanj. Ômêtôc aê naêndênj.
- 60 Aôm kôjala njacjo nênj têtac gedec aênja ma sêgôm gêñlêlôm taêsam kêtû aênja.
- 61 “O Apômtau, aôm gônô êsêacnênj binj kêsi-kêsi, nênj gêñlêlôm samob kêtû aênja.
- 62 Sêsôm binj kêtôm bêc samob ma sêkic binj kêtû aênja.
- 63 Gêdênj bêbêc e oc kêsêp êsêac têtanj pêlê aê.
- 64 “O Apômtau, ôkênj njagêjô êndênj êsêac êtôm gênj, tanj sêgôm nanj.
- 65 Ôpuc boa êsêac ma ôkênj êsêac sênjgônj togênjwapac njanôgenj.

66 Ôjanda êsêac to onsej êsêac su samucgej aŋga nom.”

BIBOLO DABUN
The Holy Bible in the Yabem language of Papua New Guinea
Buk Baibel long tokples Yabem long Niugini

Copyright © 1980 Bible Society of Papua New Guinea

Language: Jabem (Yabem)

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-03

PDF generated using Haiola and XeLaTeX on 21 Feb 2024 from source files dated 31 Aug 2023

447e01c5-a375-5452-ae54-b3f890293eeb